



Broj: 05/2-11/3-1980/22

Velika Kladuša, 03.10.2022. godine

Na osnovu člana 70. stav 1., člana 69. stav 1. i stav 2. tačka e) Zakona o javnim nabavkama BiH („Službeni glasnik BiH“, broj: 39/14), i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu javne nabavke vatrogasnog vozila za potrebe Službe za civilnu zaštitu Općine Velika Kladuša, Općinski načelnik Općine Velika Kladuša, dana 03.10.2022. godine, donio je slijedeću

O D L U K U
o poništenju postupka javne nabavke

Član 1.

Poništava se postupak javne nabavke pokrenut Obavještenjem o nabavci, broj: 299-1-1-32-3-23/22 objavljenim na stranici Agencije za JN 10.08.2022. godine, tipa otvoreni postupak za nabavku roba – vatrogasnog vozila za potrebe Službe za civilnu zaštitu Općine Velika Kladuša.

O b r a z l o ž e n j e

Na osnovu Obavještenja o nabavci, broj: 299-1-1-32-3-23/22, objavljenog na stranici Agencije za JN 10.08.2022. godine, pokrenut je otvoreni postupak za nabavku roba – vatrogasnog vozila za potrebe Službe za civilnu zaštitu Općine Velika Kladuša. Za predmetnu nabavku donešena je Odluka o pokretanju postupka javne nabavke broj: 05/2-11/3-1980/22 od 08.08.2022. godine, te je Rješenjem broj: 05/2-11/3-1980/22 od 10.08.2022. godine imenovana Komisija za provođenje predmetnog postupka javne nabavke.

Na osnovu Izvještaja sa portala Agencije za javne nabavke od 20.09.2022. godine (12:03 sati) utvrđeno je da je tendersku dokumentaciju preuzelo 21 (dvadeseti jedan) zainteresirani kandidat/ponuđač.

Krajnji rok za podnošenje ponuda bio je 20.09.2022. godine do 12:00 sati.

Nakon isteka roka za podnošenje ponuda evidentirano je da su pristigle 2 (dvije) ponude i to:

1. LADA AUTO d.o.o. Banja Luka, sa ponuđenom cijenom od 397.495,00 KM bez PDV-a,
2. ŠUMOOPREMA d.o.o. Banja Luka, sa ponuđenom cijenom od 399.800,00 KM bez PDV-a, što je Komisija za javne nabavke Ugovornog organa konstatovala u Zapisniku o otvaranju ponuda od 20.09.2022. godine.

Komisija je nakon izvršenog otvaranja ponuda pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Analizom dokumentacije dostavljene uz ponude Komisija je utvrdila da obe ponude ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu e-aukcije, što je konstatovano u Zapisniku o pregledu i ocjeni ponuda broj: 05/2-11/3-1980/22 od 20.09.2022. godine.

E –aukcija je zakazana za 23.09.2022. godine u 11:00 sati sa predviđenim trajanjem od 10 minuta. Nakon provedenog postupka e-aukcije 23.09.2022. godine započetog u 11:00 sati i završenog u 11:10 sati, te na osnovu Izvještaja o toku i završetku e-aukcije utvrđeno je da za vrijeme trajanja zakazane e-aukcije nije bilo podnošenja ponuda.

Članom 70. stav 1. Zakona o javnim nabavkama propisano je: Ugovorni organ donosi odluku o izboru najpovoljnijeg ponuđača ili odluku o poništenju postupka nabavke u roku koji je određen u tenderskoj dokumentaciji kao rok važenja ponude, a najkasnije u roku od sedam dana od isteka važenja ponude, odnosno u produženom periodu roka važenja ponuda, u skladu sa članom 60. stav (2) ovog zakona.

Članom 69. stav 1) Zakona o javnim nabavkama određeno je da se Posupak javne nabavke može okončati;



Članom 69. stav 2. tačka e) propisano je da je Ugovorni organ obavezno poništiti javnu nabavku u slučaju da su cijene svih prihvatljivih ponuda znatno veće od osiguranih sredstava za predmetnu nabavku.

Budući da je procijenjena vrijednost predmetne nabavke 260.013,80 KM, te obe prihvatljive ponude znatno prelaze osigurana sredstva za ovu nabavku, Općinski načelnik Općine Velika Kladuša, a po preporuci Komisije, opravdano donosi Odluku o poništenju postupka javne nabavke u skladu sa članom 69. stav 2. tačka e) Zakona o javnim nabavkama.


Cijeneći navedeno odlučeno je kao u dispozitivu Odluke.

UPUTA O PRAVNOM LIJEKU: Svaki ponuđač koji ima legitiman interes za konkretan ugovor o javnoj nabavi i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavi BiH ima pravo uložiti žalbu u roku od 10 (deset) dana od dana kada je podnosilac primio odluku. Žalba se podnosi ugovornom organu kao prvostepenoj instanci u žalbenom postupku u tri primjerka direktnom predajom kod ugovornog organa ili preporučenom poštanskom pošiljkom.

Voditelj postupka:
Tahirović Azra, dipl. pravnik



OPĆINSKI NAČELNIK
Fikret Abdić, dipl. ing.



DOSTAVLJENO:

1. Učesnicima u postupku (2x),
2. Komisiji za nabavke,
3. Služba za upravu, društvene djelatnosti i zajedničke poslove (web stranica)
4. U spis,
5. A/a.